

BIBA KU KONOSEMENTU DI NOS REALIDAT

Drecha bario no ta pa hòbi, e ta pa nesesidat.

Ayera (10 di febrüari 2023), riba página 7 di korant NOBO, m'a dediká atenshon na un buki hopi interesante ku señora Tirzah Libert a skibi tokante e bario Swaen/Zwaan. M'a elogiá e señora aki, pasobra en realidat, e ta kasi un eksepsion na Kòrsou.

No sa sosodé masha ku un siudadano simpel di e komunidad aki ta profundisá den un materia asina, buskando na sa e historia di e bario, deskribiendo e sirkunstansia di e tempu ei, kompañá ku pòrtrètnan pa ilustrá kon e bario tabata i te hasta proyektando kon lo e bario aki mester bira den futuro.

Señora Tirzah Libert a hasi e trabou aki, kombinando kapasidat i konosementu huntu ku otronan di e bario i tambe instansianan di importansia. Komo tal e señora aki a sali for di e organisashon ku yama Fundashon Swaen & Bisen-dario. Lesa kiko e buki

aki ta hasi menshon di dje: "Oumentá bo konosementu riba kualke tópiko di bo interes ta na bo propio benefisio. Studia, analisá i kompará vários tradukshon, komentario i interpretashon. Tuma un kurso digital o personal. Skucha i miravideo di motivashon. Ora bo tuma tempu pa studia sikiera loke ta básiko di un tópiko partikular, esaki ta krea konfiansa i ta hasi ku bo ta sinti bo sigur di bo mes. Bo ta mihó organisá i efisiente ora bo ta plania bo metanan. Sin drenta den kada detaye, bo tin un konosementu básiko di e tópiko anto bo ta kuri ku ignoransia."

Mas i mas ami Erwin



Raphaëla ta realisá kon nesesario ta pa kaba di splika i konvensé ku desaroyo di Kòrsou ta kai i lanta ku esfuersonan kon-sentrá pa subi kalidat di bida den nos barionan. Mester duna importansia na desaroyo konsiente di barionan, i asina ei siña sa kuantu bario por nifiká den adelanto di nos pais. Segun mi no ta posibel

drecha bida na Kòrsou, mehorá e sirkunstansia di bida, anto nos mester kuminsá den nos barionan, atendiendo ku e infrastrukutura, pero tambe ku e habitantenan, kreando relashonnan di responsabilidad kolektivo i fortifiká e espíritu di kombibensia.

Benta shushi abou na suela den mondi, kantu di



akapará tur aspekto ku bario por nifiká. Pero studiando bario, profundisando den e materia aki, esun ku ta hasié ta duna koló na su identidat i ta harmando su mes pa futuro den e sentido ku e ta siña sa kiko mester sosodé i kon mester kana pa yega e kaminda nobo, ku ta enserá bira lomba pa pobresa i mizeria. Swaen ta un bario pober i ta den hopi deterioro, esei tur hende sa. Si nos ke

kaminda, na playa, pará na vèlt di bala, ta un di e maneranan pa ekspresá despresio pa nos isla aki. Pasobra kiko un siudadano, pasando den un vehíkulo riba kaya, bahando e glas di outo i djei zuai un bòter di serbes òf kùp di djus ta bisando konkretamente? E ta bisa: "Kòrsou no ta importá mi nada, si e ta shushi òf limpi i ku ami ta un di esnan ku ta fomentá malesa riba e isla aki". Pero tambe papia

malu konstantemente, kritiká i desgabá ta un manera pa stroba positivismo haña su kaminda. Ta e aktitut pa laga sintimentunan di rabia, di frakaso i di desepshon dominá riba perseveransia i e determinashon pa lucha i kontribuí na un mihó bida. Den e totalidat aki tin algun aspekto masha importante mes pa tene kuenta kuné, anto eseinan ta na promé lugá "sentido di bida". Kiko nos ta kere ku nos ta hasiendo den e mundu aki? Pakiko nos tei? E balor ku nos ta duna nos mes i otronan ku tur e esfuersonan hasí pa laga bida tin sentido. Natural aki nos ta referí na mu-chu mas ku kore tras di plaka i purba bira riku. Anto e otro faktor importante ta e tempu ku nos tin di bida. Ningun hende no tei pa semper i ta p'esei nos no por ta biba pa loko, sin para ketu na loke ta hasiendo den bida, keriendo ku bida ta duna satisfakshon di e forma ei. Drecha e situashon den barionan dor di djòin ku otro habitantenan di bario, segun mi ta un di e forman mas konkreto pa duna bida forma i kontenido. Si nos a bini i ta bai for di e mundu aki, e mester ta pa algun rason, pa realisá un balor agregá. Lo bo por pensa ku bo mishon ta di sirbi komo edukador, dòkter, periodista, gobernante, trahadó di pan i bolo, drechadó di sapatu, pero esei ta dependé kon bo ta hasié i kiko lo bo ke logra apart di plaka.

Erwin Raphaëla

